



Համարը N 1019-Ն

Տիպը Որոշում

Սկզբնաղբյուրը ՀՀՊՏ 2017.09.06/55(1330)

Հոդ.847

Ընդունող մարմինը ՀՀ կառավարություն

Ստորագրող մարմինը ՀՀ փոխվարչապետ

Վավերացնող մարմինը

Ուժի մեջ մտնելու ամսաթիվը 16.09.2017

Տեսակը Հիմնական

Կարգավիճակը Գործում է

Ընդունման վայրը Երևան

Ընդունման ամսաթիվը 17.08.2017

Ստորագրման ամսաթիվը 18.08.2017

Վավերացման ամսաթիվը

Ուժը կորցնելու ամսաթիվը

☒ Կապեր այլ փաստաթղթերի հետ

ՀՀ ԿԱՌԱՎԱՐՈՒԹՅԱՆ ՈՐՈՇՈՒՄԸ ՀԱՆՐԱՅԻՆ ԱՇԽԱՏԱՆՔՆԵՐԻ ՆԵՐԳՐԱՎՄԱՆ ԿԱՐԳԸ ԵՎ ԺԱՄԿԵՏՆԵՐԸ ՍԱՀՄԱՆԵԼՈՒ ՄԱՍԻՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

17 օգոստոսի 2017 թվականի N 1019-Ն

ՀԱՆՐԱՅԻՆ ԱՇԽԱՏԱՆՔՆԵՐԻ ՆԵՐԳՐԱՎՄԱՆ ԿԱՐԳԸ ԵՎ ԺԱՄԿԵՏՆԵՐԸ ՍԱՀՄԱՆԵԼՈՒ ՄԱՍԻՆ

Հիմք ընդունելով Հայաստանի Հանրապետության քրեակատարողական օրենսգրքի 32-րդ հոդվածի 11-րդ մասը՝ Հայաստանի Հանրապետության կառավարությունը **որոշում է**.

1. Սահմանել հանրային աշխատանքների ներգրավման կարգը և ժամկետները՝ համաձայն հավելվածի:

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

**Հայաստանի Հանրապետության
փոխվարչապետ**

Վ. Գաբրիելյան

2017 թ. օգոստոսի 18
Երևան

Հավելված
ՀՀ կառավարության 2017 թվականի
օգոստոսի 17-ի N 1019-Ն որոշման

ՀԱՆՐԱՅԻՆ ԱՇԽԱՏԱՆՔՆԵՐԻՆ ՆԵՐԳՐԱՎՄԱՆ ԿԱՐԳԸ ԵՎ ԺԱՄԿԵՏՆԵՐԻ ՍԱՀՄԱՆՈՒՄԸ

1. Հանրային աշխատանքների կատարումն ապահովում է հանրային աշխատանքների դատապարտված անձի մշտական բնակության վայրի պրոբացիայի ծառայության տարածքային մարմինը (այսուհետ՝ տարածքային մարմին), իսկ մշտական բնակության վայր չունեցող կամ օտարերկրյա քաղաքացի կամ քաղաքացիություն չունեցող պրոբացիայի շահառուի դեպքում՝ նրա փաստացի բնակության վայրի կամ դատական ակտի մեջ նշված վայրի տարածքային մարմինը:

2. Հանրային աշխատանքների նշանակելու մասին օրինական ուժի մեջ մտած դատական ակտն ստանալուց հետո պրոբացիայի ծառայողն անհապաղ, բայց ոչ ուշ, քան մեկ աշխատանքային օրվա ընթացքում պարզում է պրոբացիայի շահառուի գտնվելու վայրը, նրա հետ կապ է հաստատում, նրան պատշաճ ծանուցում է տարածքային մարմին ներկայանալու վերաբերյալ, կազմում է անձնական գործ՝ համաձայն N 1 ձևի, լրացնում հաշվառման քարտ՝ համաձայն N 2 ձևի:

3. Պատժի չկրած մասը հանրային աշխատանքներով փոխարինելու դեպքում սկզբնական պատիժը կատարող մարմինը Հայաստանի Հանրապետության քրեակատարողական օրենսգրքի 117-րդ հոդվածի 2-րդ մասով սահմանված կարգով պրոբացիայի շահառուից ստորագրություն վերցնելուց հետո ոչ ուշ, քան մեկ աշխատանքային օրվա ընթացքում, տարածքային մարմին է ուղարկում դատական ակտի պատճենը և հնգօրյա ժամկետում տարածքային մարմին ներկայանալու մասին պրոբացիայի շահառուի ծանուցված լինելը հավաստող փաստաթուղթը:

4. Դատական ակտն օրենքով սահմանված կարգով փոփոխվելու դեպքում պրոբացիայի շահառուի անձնական գործին կցվում են հետևյալ փաստաթղթերը՝

1) Հայաստանի Հանրապետության վերաքննիչ և Հայաստանի Հանրապետության վճռաբեկ դատարանների դատական ակտերի պատճենները.

2) պատժի չկրած մասն ավելի մեղմ պատժով փոխարինելու դեպքում՝ համապատասխան դատական ակտի պատճենը.

3) տուգանքի վճարման ժամկետի սահմանման կամ տուգանքի մաս առ մաս վճարման մասին դատական ակտի պատճենը:

5. Դատական ակտի պատճենը և օրինական ուժի մեջ մտած դատական ակտն ի կատար ածելու մասին կարգադրությունն ստանալուց հետո պրոբացիայի ծառայողը Հայաստանի Հանրապետության քրեական դատավարության օրենսգրքի 428-րդ հոդվածի 3-րդ մասին համապատասխան ծանուցում է ուղարկում դատարան պատիժն ի կատար ածելու մասին:

6. Դատական ակտն ստանալուց հետո անհապաղ, բայց ոչ ուշ, քան մեկ աշխատանքային օրվա ընթացքում պրոբացիայի ծառայողը պրոբացիայի շահառուին ուղարկում է ծանուցագիր՝ համաձայն N 3 ձևի, տարածքային մարմին ներկայանալու վերաբերյալ: Պրոբացիայի ծառայողը պրոբացիայի շահառուի՝ տարածքային մարմին ներկայանալուց հետո անհապաղ ստորագրությամբ վերջինիս պարզաբանում է հանրային աշխատանքների ձևով նշանակված պատիժը կրելու կարգն ու պայմանները, պրոբացիայի շահառուի իրավունքները և պարտականությունները, ինչպես նաև դրանք չկատարելու դեպքում օրենքով սահմանված պատասխանատվությունը՝ համաձայն N 4 ձևի, կազմում վերահսկողության պլան: Վերահսկողության սկիզբը հաշվվում է պրոբացիայի շահառուին հաշվառման վերցնելու պահից:

7. Հանրային աշխատանքների ձևով պատժի կատարումն ապահովելու նպատակով տարածքային մարմինը հանրային աշխատանքների ձևով հանրային աշխատանքների կատարման վայրերը որոշելու նպատակով համագործակցում է պետական մարմինների, առևտրային և ոչ առևտրային կազմակերպությունների, հիմնարկների, տեղական ինքնակառավարման մարմինների հետ, որոնց հետ կարող են կնքվել համապատասխան պայմանագրեր՝ համաձայն N 5 ձևի: Պետական մարմինների, առևտրային և ոչ առևտրային կազմակերպությունների, հիմնարկների, տեղական ինքնակառավարման մարմինների կողմից առաջարկված հանրային աշխատանքների կատարման վայրերի վերաբերյալ հայտը վերջիններիս կողմից ներկայացվում է տարածքային մարմին: Տարածքային մարմինը պետական մարմինների, առևտրային և ոչ առևտրային կազմակերպությունների, հիմնարկների, տեղական ինքնակառավարման մարմինների (այսուհետ՝ կազմակերպություններ) կողմից առաջարկված հանրային աշխատանքների ձևով հանրային աշխատանքների կատարման վայրերի հայտի հիման վրա ծանուցմամբ՝ համաձայն N 6 ձևի, պրոբացիայի շահառուին ուղեգրում է հանրային աշխատանքների կատարման համապատասխան վայր:

8. Տարածքային մարմինը, ստանալով հանրային աշխատանքների կատարման առաջարկված վայրերի մասին համապատասխան տեղեկատվությունը, այն համադրում է իր որոշած վայրերի հետ, և կազմում հանրային աշխատանքների կատարման վայրերի ընդհանուր ցանկ, որը կարող է պարբերաբար վերանայվել: Ընդհանուր ցանկում առնվազն պետք է ընդգրկված լինեն այլընտրանքային ծառայություն անցնելու վայրերը (կազմակերպությունները):

9. Ցանկում ընդգրկված կազմակերպություններից յուրաքանչյուրի հետ տարածքային մարմինը գրավոր համաձայնեցնում է հանրային աշխատանքների կատարման ժամանակացույցը՝ համաձայն N 7 ձևի՝ հաշվի առնելով Հայաստանի Հանրապետության քրեական և քրեակատարողական օրենսգրքերի պահանջները: Ժամանակացույցի մեկական օրինակ կազմվում է տարածքային մարմնի, աշխատավայրի վարչակազմի և պրոբացիայի շահառուի համար:

10. Պրոբացիայի շահառուն պարտավոր է պրոբացիայի ծառայողի ծանուցագրով ժամանակացույցն ստանալուց հետո մեկօրյա ժամկետում ներկայանալ աշխատավայրի վարչակազմ:

11. Հանրային աշխատանքների կատարման վայրը, տարածքային մարմնի կողմից որոշվելու դեպքում հաշվի են առնվում հանրային աշխատանքների կատարման վայրի և պրոբացիայի շահառուի հաշվառման վայրի (հաշվառման վայր չունենալու դեպքում փաստացի բնակության վայրի) միևնույն համայնքի կամ վարչական շրջանի շրջանակում տեղակայված լինելու հանգամանքը: Ցանկացած դեպքում հանրային աշխատանքների կատարման վայրը պետք է լինի պրոբացիայի շահառուի հաշվառման վայրից (հաշվառման վայր չունենալու դեպքում փաստացի բնակության վայրից) ոչ ավելի, քան 30 կմ հեռավորության վրա: Հանրային աշխատանքների կատարման վայրը տարածքային մարմնի կողմից որոշվելու դեպքում հնարավորինս հաշվի է առնվում նաև պրոբացիայի շահառուի կարծիքը:

12. Պրոբացիայի շահառուին տարածքային մարմնի կողմից կարող են առաջարկվել հետևյալ աշխատանքները՝

- 1) բանվորական աշխատանքներ (բակերի բարեկարգում, բարձրահարկ շենքերի տանիքների վերանորոգում, ցանկապատերի ներկում, շենք-շինությունների կոսմետիկ վերանորոգում)।
- 2) ոռոգման աշխատանքներ.
- 3) կանաչապատման աշխատանքներ.
- 4) հողի մշակման աշխատանքներ
- 5) ճանապարհային նշանների ներկում, մոնտաժում.
- 6) պատմամշակութային վայրերի մաքրման և բարեկարգման աշխատանքներ:

13. Հանրային աշխատանքների կատարման վայրը որոշելուց հետո պրոբացիայի շահառուին

ստորագրությամբ հանձնվում է համապատասխան կազմակերպության հետ սույն կարգի 9-րդ կետով նախատեսված կարգով համաձայնեցված ժամանակացույց, որը պարտադիր է պրոբացիայի շահառուի համար:

14. Աշխատավայրի վարչակազմի ղեկավարը պրոբացիայի շահառուին ծանոթացնում է կազմակերպության աշխատանքային ներքին կարգապահական կանոններին ու կատարվող աշխատանքների առանձնահատկություններին:

15. Աշխատավայրի վարչակազմի ղեկավարը պրոբացիայի շահառուի համար ապահովում է այնպիսի աշխատանքային պայմաններ, որոնք պարտավոր էր ապահովել նույն բնույթի աշխատանքներ կատարող այլ պայմանագրային կամ հաստիքային աշխատողի համար:

16. Սույն կարգի 6-րդ և 11-րդ կետերում սահմանված գործողությունները կատարելուց հետո պրոբացիայի ծառայողը 3-օրյա ժամկետում տվյալ կազմակերպության վարչակազմ է ուղարկում ծանուցում պատիժը կատարելու մասին՝ համաձայն N 6 ձևի՝ կցելով ժամանակացույցը:

17. Հանրային աշխատանքների կատարման ժամկետի սկիզբը հաշվարկվում է դատապարտյալի՝ հանրային աշխատանքներում փաստացի ներգրավվելու պահից:

18. Հանրային աշխատանքների աշխատաժամանակը չի կարող գերազանցել Հայաստանի Հանրապետության աշխատանքային օրենսգրքով սահմանված աշխատաժամանակի ռեժիմը և տևողությունը:

19. Պրոբացիայի ծառայողը վերահսկողության պլանի հիման վրա այցելում է պրոբացիայի շահառուի աշխատավայր՝ պրոբացիայի շահառուի կողմից պատիժը կրելու մասին տեղեկատվություն (այդ թվում՝ ժամանակացույցի մեջ ներառված տեղեկատվությունը) կամ պարզաբանումներ ստանալու համար: Դրա մասին կազմվում է արձանագրություն: Պրոբացիայի ծառայողը, հաշվի առնելով այցելության ընթացքում հնարավոր խախտումների վերաբերյալ հայտնաբերված տվյալները, կարող է պրոբացիայի շահառուից կամ աշխատավայրի վարչակազմից պահանջել վերադարձնել ժամանակացույցի իրենց օրինակը: Այդ ժամանակահատվածում վարչակազմի կողմից երկու օրինակից կազմվում է արձանագրություն պրոբացիայի շահառուի աշխատանքի մասին, որոնցից մեկը տրվում է պրոբացիայի շահառուին: Պրոբացիայի շահառուի աշխատած ժամերը ներառվում են ժամանակացույցի մեջ: Արձանագրություն կազմելուց հետո պրոբացիայի ծառայողը պրոբացիայի շահառուին կամ աշխատավայրի վարչակազմին վերադարձնում է ժամանակացույցի իրենց օրինակը: Եթե պատժի ժամկետի ավարտից հետո պրոբացիայի շահառուն և աշխատավայրի վարչակազմը չեն ուղարկում ժամանակացույցի իրենց օրինակները, ապա տարածքային մարմինն իրավունք ունի պահանջելու դրանք:

20. Հանրային աշխատանքների կատարումը կարող է իրականացվել էլեկտրոնային հսկողության միջոցների կիրառմամբ՝ «Պրոբացիայի մասին» Հայաստանի Հանրապետության օրենքով սահմանված կարգով:

21. Հանրային աշխատանքների ձևով պատիժը կրելուց հետո տարածքային մարմինը պրոբացիայի շահառուին տալիս է տեղեկանք՝ պատիժը կրած լինելու մասին՝ համաձայն N 8 ձևի, և դրա մասին հայտնում դատական ակտը կայացրած դատարան, Հայաստանի Հանրապետության կառավարությանն առընթեր Հայաստանի Հանրապետության ոստիկանություն և պրոբացիայի շահառուի աշխատավայրի վարչակազմին:

**Հայաստանի Հանրապետության
կառավարության աշխատակազմի
ղեկավարի առաջին տեղակալ**

Ա. Սարգսյան

Ս Տ Ո Ր Ա Գ Ր Ո Ւ Թ Յ Ո Ւ Ն

Պատիժը կրած լինելու մասին տեղեկանքն ստացա:

Ստացողի ստորագրությունը և ազգանունը _____

« _____ » _____ 20 թ.

Գործը բաղկացած է _____ թերթից:

Անձնական գործը կազմված է՝

ՀՀ արդարադատության նախարարության պրոբացիայի պետական ծառայության

_____ բաժնի

_____ -ի կողմից:

(ազգանունը, անունը, հայրանունը, պաշտոնը)

_____ « _____ » _____ 20 թ.

Անձնական գործը վարեց՝

ՀՀ արդարադատության նախարարության պրոբացիայի պետական ծառայության

_____ բաժնի

_____ -ը:

(ազգանունը, անունը, հայրանունը, պաշտոնը)

_____ « _____ » _____ 20 թ.

«Համաձայն եմ»

ՀՀ արդարադատության նախարարության պրոբացիայի պետական ծառայության

_____ բաժնի պետ

_____ (ստորագրությունը, ազգանունը)

« _____ » _____ 20 թ.

ՀԱՇՎԱՌՄԱՆ ՔԱՐՏ

Ազգանունը _____ Անձնական գործ
Նախկին դատվածություններ _____

Անունը _____ N _____

Հայրանունը _____ Ծ/թ. _____

Հասցեն և հեռ. համարը _____

Աշխատանքի վայրն ու պաշտոնը _____ Տեղեկություններ ընթացքի մասին

Քաղաքացիությունը _____

Դատապարտվել է « _____ » _____ 20 թ. _____

(դատարանի անվանումը, հոդվածը, պատժատեսակը և չափը)

Լրացուցիչ պատժատեսակը _____

Հաշվառման է վերցվել 20 թ. Քարտը
« _____ » _____ լրացրեց՝

Հաշվառումից հանվել է _____ ՀՀ ԱՆ պրորազիայի պետական ծառայության (անվանումը)
« _____ »

20 թ.
մարմնի/բաժնի

Պատժի վերահսկողության ժամկետի սկիզբը _____
« _____ » _____ 20 թ. (պաշտոնը) (ստորագրությունը) (ազգանունը)

Պատժի վերահսկողության ժամկետի ավարտը « _____ » _____ 20 թ.

Ծ Ա Ն Ո Ւ Ց Ա Գ Ի Ր

Հայտնում եմ, որ _____ կողմից 20 թ. _____-ի
 _____ ակտով Ձեր նկատմամբ նշանակված
 _____ կապակցությամբ Դուք
 պարտավոր եք 20 թ. _____-ին ժամը _____-ին ներկայանալ ՀՀ ԱՆ
 պրոբացիայի պետական ծառայության _____ բաժին
 (_____):
 (հասցեն)

ՀՀ ԱՆ պրոբացիայի
 պետական ծառայության
 _____ բաժնի պետ / /

Ծ Ա Ն Ո Ւ Ց Ա Գ Ի Ր

Հայտնում եմ, որ _____ կողմից 20 թ. _____-ի
 _____ ակտով Ձեր նկատմամբ նշանակված
 _____ կապակցությամբ Դուք
 պարտավոր եք 20 թ. _____-ին ժամը _____-ին ներկայանալ ՀՀ ԱՆ
 պրոբացիայի պետական ծառայության _____ բաժին
 (_____):
 (հասցեն)

ՀՀ ԱՆ պրոբացիայի
 պետական ծառայության
 _____ բաժնի պետ / /

Ա Ր Ձ Ա Ն Ա Գ Ր Ո Ւ Թ Յ Ո Ւ Ն
ստորագրություն վերցնելու մասին

Ես՝ _____

(պրոբացիայի շահառուի ազգանունը, անունը, հայրանունը)

ՀՀ քրեական օրենսգրքի _____ հոդվածի

համաձայն _____ 20 թ. _____

(դատարանի անվանումը)

կողմից դատապարտված _____ ի,

(նշել պատիժը)

ստորագրությամբ հավաստում եմ այն մասին, որ ինձ բացատրվել են ՀՀ օրենսդրությամբ սահմանված իրավունքներն ու պարտականությունները, ինչպես նաև պատասխանատվությունը՝ դրանք չկատարելու համար:

Տեղեկացվել եմ նաև պրոբացիայի ծառայողի յուրաքանչյուր կանչի դեպքում ՀՀ ԱՆ պրոբացիայի պետական ծառայության տարածքային բաժին ներկայանալու պարտականության մասին:

/սույն պարբերությունը լրացվում է փորձաշրջանի մեջ գտնվող կամ պատժի կրումը հետաձգված պրոբացիայի շահառուների դեպքում/:

_____ 20 թ.

(շահառուի ստորագրությունը)

Ստորագրությունը վերցրեց

ՀՀ արդարադատության նախարարության

պրոբացիայի պետական ծառայության _____

(բաժնի անվանումը)

բաժնի _____

(պաշտոնը)

(ստորագրությունը)

(ազգանունը)

_____ 20 թ.

Հ Ա Մ Ա Գ Ո Ր Ծ Ա Կ Ց Ո Ւ Թ Յ Ա Ն Պ Ա Յ Մ Ա Ն Ա Գ Ի Ր

Հանրային աշխատանքների ձևով պատիժ կրող անձին ժամանակացույցով սահմանված աշխատաժամերով ապահովելու մասին

քաղ. -----

----- 20 թ.

Հայաստանի Հանրապետության արդարադատության նախարարության պրոբացիայի պետական ծառայության ----- բաժինը (այսուհետև՝ բաժին) ի դեմս բաժնի պետ -----

----- ի, որը գործում է ըստ ՀՀ ԱՆ պրոբացիայի պետական ծառայության տարածքային ստորաբաժանումների գործունեության կարգի, մի կողմից և ----- (այսուհետև՝ հանրային աշխատանքի կրման վայր) ի դեմս ----- մյուս կողմից, կնքեցին սույն պայմանագիրը հետևյալի մասին:

1. Պայմանագրի առարկան

1.1. Համաձայն սույն պայմանագրի ----- բաժինը պարտավորվում է հանրային աշխատանքների կատարման վայրի տնօրինության կողմից ներկայացված հայտի հիման վրա դատական ակտով հանրային աշխատանքների ձևով պատիժ կրող անձին ուղեգրել հանրային աշխատանքների կատարման վայր, իսկ հանրային աշխատանքների կատարման վայրի տնօրինությունը պարտավորվում է դատապարտյալին ապահովել բաժնի կողմից կազմված հանրային աշխատանքների կատարման ժամանակացույցով սահմանված աշխատաժամերով:

2. Կողմերի իրավունքները և պարտականությունները

2.1. Բաժինն իրավունք ունի՝

2.1.1. իրականացնել ընդհանուր վերահսկողություն հանրային աշխատանքների կատարման ամբողջ ընթացքի նկատմամբ, օրենքով սահմանված կարգով կամ հանրային աշխատանքների կատարման վայրի տնօրինության կողմից ժամանակացույցում խախտում կատարելու հատկանիշների առկայության դեպքում դադարեցնել սույն պայմանագիրը և դատապարտյալին ուղեգրել հանրային աշխատանքների կատարման այլ վայր, այցելել հանրային աշխատանքների կատարման վայր դատապարտյալի կողմից պատժի կրման վերաբերյալ տեղեկատվություն (այդ թվում՝ ժամանակացույցի մեջ ներառված տեղեկատվությունը) կամ պարզաբանումներ ստանալու համար՝ առանց աշխատանքային գործունեությանը միջամտելու, պատժի ժամկետի ավարտից հետո կամ հաշվի առնելով բաժնի ծառայողի այցելության ընթացքում հայտնաբերված տվյալները, հանրային աշխատանքների կատարման վայրից հետ վերցնել ժամանակացույցի՝ իրենց տրված օրինակը.

2.1.2. իրականացնել ՀՀ օրենսդրությամբ սահմանված այլ գործառույթներ:

2.2. Բաժինը պարտավոր է՝

2.2.1. հաշվի առնելով ՀՀ քրեական----- պահանջները՝ հանրային աշխատանքների կատարման վայրի տնօրինության հետ համաձայնեցնել հանրային

աշխատանքների կատարման ժամանակացույցը, որում ներառված են դատապարտյալի աշխատաժամերը, դատապարտյալին պարտավորեցնել ժամանակացույցի իր օրինակն ստանալուց հետո ներկայանալ հանրային աշխատանքների կատարման վայր հանրային աշխատանքների ձևով պատիժը կրելու և եռօրյա ժամկետում հանրային աշխատանքների կատարման վայրի տնօրինությանը ծանուցում ուղարկել պատիժը կատարելու մասին՝ կցելով ժամանակացույցի՝ հանրային աշխատանքների կատարման վայրի տնօրինության օրինակը, դատապարտյալի պատժից ազատվելու, պատժի կրումը հետաձգվելու կամ կասեցվելու, ինչպես նաև օրենքով սահմանված կարգով կալանքով կամ ազատագրկմամբ փոխարինվելու դեպքում տեղեկացնել հանրային աշխատանքների կատարման վայրի տնօրինությանը:

2.3. Հանրային աշխատանքների կատարման վայրի տնօրինությունն իրավունք ունի՝

2.3.1. հանրային աշխատանքների կատարման վայրի տնօրինությունն իրավունք ունի հանրային աշխատանքների ամբողջ ժամանակահատվածի ընթացքում պահանջելու դատապարտյալից պահպանել հանրային աշխատանքների կատարման վայրի ներքին աշխատանքային կանոնները, բարեխիղճ վերաբերմունք դրսևորելու աշխատանքի նկատմամբ, կատարելու իր համար նախատեսված աշխատանքները, ցանկացած ժամանակ դադարեցնելու սույն պայմանագիրը:

2.4. Հանրային աշխատանքների կատարման վայրի տնօրինությունը պարտավոր է՝

2.4.1. կազմակերպել և հսկել դատապարտյալի կողմից աշխատանքների կատարումը՝ այդ մասին համապատասխան գրառումներ կատարելով ժամանակացույցի իր օրինակում՝ ստորագրելով և կնքելով այն, հանրային աշխատանքները չկատարելու կամ ոչ պատշաճ կատարելու կամ դատապարտյալի կողմից պատիժը կրելուց խուսափելու, աշխատանքային կանոնները խախտելու մասին անհապաղ տեղեկացնել բաժնին, պատժի ժամկետի ավարտից հետո բաժին ուղարկել ժամանակացույցի իր օրինակը:

3. Եզրափակիչ դրույթներ

3.1. Հանրային աշխատանքները կատարելիս ստացած վնասների դիմաց փոխհատուցումը կատարվում է ՀՀ քաղաքացիական օրենսդրությամբ սահմանված կարգով:

3.2. Սույն պայմանագիրն ուժի մեջ է մտնում ստորագրելու պահից և շարունակում է իր գործողությունը մինչև պայմանագրի գործողությունը դադարելը:

3.3. Սույն պայմանագիրը կնքվում է անորոշ ժամկետով:

3.4. Սույն պայմանագիրը կազմված է 2 բնօրինակից, որոնք ունեն հավասար իրավաբանական ուժ, մեկական բնօրինակ յուրաքանչյուր կողմին:

3.5. Պայմանագրի պայմանները կարող են փոփոխվել միայն կողմերի փոխադարձ գրավոր համաձայնությամբ:

3.6. Սույն պայմանագրով չկարգավորված բոլոր հարցերն ենթակա են լուծման համաձայն ՀՀ օրենսդրության:

4. Կողմերի հասցեները՝

ՀՀ ԱՆ պրոբացիայի պետական ծառայության բաժնի պետ

Տնօրեն

քաղ.-----

Հեռախոսահամարը

_____ (համապատասխան մարմնի/կազմակերպության/անվանումը)

_____ (ղեկավարի ազգանունը, անունը, հայրանունը)

Ծ Ա Ն ՈՒ Ց ՈՒ Մ

ՀՀ արդարադատության նախարարության պրոբացիայի պետական ծառայության

_____ բաժինը
(բաժնի անվանումը)

Հայտնում է, որ _____-ը
դատապարտվել է ՀՀ քրեական օրենսգրքի _____ հոդված(ներ)ով
_____ 20 թ. _____ կողմից
(դատարանի անվանումը)

_____ (նշել պատժատեսակը, պատժաչափը)

Կից՝ դատավճռի, որոշման պատճենը _____ թերթ:
Խնդրում եմ _____ ժամկետում կատարել հետևյալ գործողությունները՝

ՀՀ արդարադատության նախարարության
պրոբացիայի պետական ծառայության
_____ բաժնի պետ

_____ (ստորագրությունը)

_____ (ազգանունը)

_____ 20 թ. Հեռախոսահամարը _____

ՀՀ արդարադատության նախարարության պրոբացիայի պետական ծառայության
բաժին

**Ժ Ա Մ Ա Ն Ա Կ Ա Ց ՈՒ Յ Ց
(հանրային աշխատաժամերի)**

Սույն ժամանակացույցը կազմված է ՀՀ քրեական օրենսգրքի _____
հոդվածով

_____ դատարանի
_____ 20 թ. դատավճռով (որոշմամբ) _____ ժամ հանրային
աշխատանքների դատապարտված

(շահառուի ազգանունը, անունը, հայրանունը)

_____ -ի կողմից պատիժը _____

_____ -ում կրելու նպատակով:

ՀՀ արդարադատության նախարարության
պրոբացիայի պետական ծառայության

բաժնի պետ

_____ (ազգանունը, անունը, հայրանունը)

_____ (ստորագրությունը)

(կազմակերպության ղեկավարի ազգանունը, անունը, հայրանունը)

_____ 20 թ.

Դատապարտյալի ստորագրությունը _____

